

貴邦衣冠殊古雅弟甚愛之今接清容宛有見唐朝搢紳之想

敝邦自昨年六月之後衣服變制朝官以下至庶人只著周衣比前似乎去繁
公等見弊邦女子風丰標致有稱意者否不吝評薦為幸

不敢評

十四年前生與小棠先生曾遊天津見清國女子裹足甚窄此是惡習

弊邦實賴貴國顧念雖云維新黨論尙存虛文多儀而已實無經濟可歎

貴邦近日事情實如高論但望公等勿學隱山之清節蹈海之高風當鞠躬盡瘁以國事自

任挽回從前之頽風建立興之偉業小棠筆話中有遊寓貴國不欲復歸之語故言如此

清談移刻為驢瓦深時近夜半今請辭去他日得閑再覲是望

幸蒙諸位厚誼甚感且頌當改日進謝

以上與金應元話

硯友會席上作

聚遠閣主人

席上詩成各後先。優游半日日如年。游塵不到午風靜。信手開窓萬綠煙。

春日訪友

水月哲英

草色青青一望平。滿山春色有餘清。半簾細雨杏花靜。幾樹東風柳絮輕。飛鳥雙々呼友去。
閑人兩々訪朋行。芸窓々外塵埃絕。黃鳥聲中鬪碁聲。

曉起卽目

鐘聲三四五。早起拂塵埃。露井閑汲水瓶。中印月來。

稼堂先生曰 巧緻

田園樂得真字

杉山富樫

曉耕雨讀夕還晨。信脚閑行幽澗濱。水友山朋有餘樂。一家清福不知貧。

審 交得魚字

從來無毀又無譽。自適悠悠安樂居。美祿榮名非我事。願求心友讀奇書。

稼堂先生曰知道者言

書懷示友人

縱令斯身百不能。愈愚元是賴良朋。世人輕薄都堪厭。志士赤誠亦可矜。英傑古來功欲大。神州今日國將興。青雲空企君休笑。自擬圖南北海鵬。

柳陰舟興

飯田突兀

盡日掉流沿翠幃。陶然一醉睡斜暉。醒來忽怪人皆鶴。如雪縞衣柳絮飛。

春窓望山

蜂虻誘睡讀書慵。推牖支頤望嵐容。一簇紅靄濃抹處。那知昨日尋花峰。

歸鄉漫成

春色方闌火國原。行追飛蝶到鄉園。紅桃漸綻白梨未。花信由來後一番。